



Yayasan Waqaf Malaysia

KENYATAAN MEDIA

JALINAN KERJASAMA PERKUKUH INDUSTRI WAKAF MALAYSIA – INDONESIA

*Melestari Wakaf Melalui Potensi Pelaburan, Jaringan Perkongsian Ilmu, Kepakaran, Amalan
Terbaik dan Pelaksanaan Projek Wakaf Produktif*

1. Yayasan Waqaf Malaysia (YWM) merupakan agensi wakaf di peringkat kebangsaan yang proaktif dalam usaha meningkatkan tabungan wakaf melalui pelaksanaan projek-projek wakaf berbentuk ekonomi, pengurusan aset-aset komersil wakaf dan pengurusan dana Wakaf Tunai Malaysia.
2. Menerusi sesi lawatan kerja ke Indonesia dan jemputan menghadiri 13th Annual Meeting and Conference World Zakat and Waqf Forum yang diketuai oleh Ketua Pegawai Eksekutif YWM, YBr. Dr. Ridzwan Bakar bersama delegasi pada 30 Oktober 2024 hingga 3 November 2024, telah berlangsung beberapa sesi menandatangani surat hasrat kerjasama YWM bersama beberapa badan wakaf di Indonesia. Kerjasama ini adalah sebagai salah satu inisiatif YWM dalam memperkasakan dan mengangkat wakaf di mata dunia.
3. Majlis menandatangani surat hasrat kerjasama ini telah disempurnakan oleh YBr. Dr. Ridzwan Bakar dan turut disaksikan oleh YB Senator Dato' Setia Dr. Haji Mohd Na'im Bin Haji Mokhtar, Menteri di Jabatan Perdana Menteri (Hal Ehwal Agama). Antara kerjasama yang termeterai adalah seperti berikut:
 - a) YWM bersama Badan Wakaf Indonesia (BWI) di mana **skop kerjasama akan melibatkan perkongsian pengalaman dan kepakaran dalam pengurusan wakaf dan pembangunan kepakaran dan khidmat nasihat dalam bidang wakaf;**
 - b) YWM dan Sinergi Foundation Indonesia (SF) yang akan **memberi fokus kepada perkongsian kepakaran dalam perniagaan kontemporari yang berteraskan wakaf, menerokai potensi pelaburan wakaf di Indonesia, kolaborasi dalam pembangunan wakaf bersifat ekonomi dan pengalihan dana manfaat wakaf di YWM dan SF;**
 - c) YWM dan World Zakat and Waqf Forum (WZWF) yang **menfokuskan kepada pengukuhan wakaf seterusnya sebagai platform untuk mengangkat wakaf di mata dunia; dan**

- d) YWM dan Universiti Islam Bandung (UNISBA) bagi tujuan **pelaksanaan penyelidikan dan Pendidikan berkaitan wakaf serta mempromosi pembangunan wakaf di kedua-dua negara.**
4. **Menerusi kerjasama ini jelas memperlihatkan nilai kebersamaan antara Malaysia dan Indonesia dalam memperkasakan filantropi Islam dan pemberdayaan ekonomi melalui instrumen wakaf. Dokongan bersama ini bakal membuka peluang kepada perkongsian ilmu dan kepakaran, amalan terbaik, dan pelaksanaan projek produktif yang dapat melestarikan industri wakaf bagi kedua-dua negara.**
 5. Instrumen wakaf memainkan peranan yang penting dalam pengagihan semula kekayaan dalam kalangan masyarakat. **Wakaf ekonomi yang bersifat komersil menjadi fokus utama YWM dalam menggerakkan wakaf produktif agar dapat menghasilkan pulangan yang akhirnya akan dikembalikan kepada masyarakat.**
 6. YWM amat komited untuk meningkatkan peranan sektor wakaf dalam usaha pembasmian kemiskinan, pendidikan, kesihatan, dan pembangunan infrastruktur, dan sosioekonomi rakyat. Pemerksaan sosioekonomi ummah dan pewujudan legasi madani melalui instrumen ekonomi Islam ini dapat dilaksanakan dengan jayanya jika semua pihak turut bersama – sama menyokong usaha ini.
 7. YWM dengan penuh iltizam akan terus mengorak langkah memperkasakan wakaf secara global **selaras agenda nasional iaitu wakaf menyumbang 10% kepada pengembangan sektor kewangan Islam menjelang tahun 2030.**

- TAMAT -

Untuk sebarang maklumat lanjut, sila hubungi:

1. **Cik Haidatul Azia binti Husin
Pengurus Bahagian Pemasaran dan Korporat
Yayasan Waqaf Malaysia
019-3883395 | azia@ywm.gov.my**
2. **Cik Nur Ain binti Mohd Nazri
Pegawai Media, Bahagian Pemasaran dan Korporat
Yayasan Waqaf Malaysia
011-33065054| nurain.nazri@ywm.gov.my**